

UGOVOR O AKADEMSKOJ, NAUČNOJ I POSLOVNO-TEHNIČKOJ SARADNJI

zaključen dana 28.02.2024. godine,
između

1. **Visokoškolske ustanove Evropski univerzitet „Kallos“ Tuzla**, sa sjedištem u Tuzli, u ul. XVIII hrvatske brigade 8, čiji je zastupnik rektor prof. dr. Kemal Brkić, s jedne strane (u daljem tekstu: Univerzitet)
- i
2. **FK „Sloboda“ Tuzla**, sa sjedištem u Tuzli, ul. Rudarska Stadion Tušanj bb., ID broj 209193610006 čiji je zastupnik direktor Jusufović Eldar, s druge strane (u daljem tekstu: Klub).

Član 1.

Ugovor je zaključen s ciljem međusobne saradnje dvije ustanove u budućem procesu obrazovanja, naučno-istraživačkog rada i drugih poslova u okviru registrovane djelatnosti.

Član 2.

Ugovorne strane će nastojati da razvijaju međusobne veze prema principima zajedničke koristi, opšteg društvenog interesa, te zajedničke komplementarne djelatnosti visokog obrazovanja.

Ugovorne strane će uložiti najveće i iskrene napore da se ovaj ugovor realizuje na akademskom nivou.

Član 3.

Ciljevi saradnje:

1. razvoj i podsticanje zajedničkih istraživanja, seminara, međunarodnih konferencija, uz napore da se obezbijede eksterni izvori finansiranja;
2. razvoj razmjene znanja i naučnih informacija kroz recipročnu razmjenu naučnih i stručnih publikacija, e-publikacija, akademskog materijala, stručnih izvora i drugih resursa;
3. Podsticanje i drugih akademskih projekata i aktivnosti upućenih prema drugim akademskim partnerima i ostalim izvorima finansiranja neprofitnih i akademskih projekata i
4. podsticanje i drugih akademskih aktivnosti za koje se obje ugovorne strane slože da su od zajedničkog interesa i koristi.

Član 4.

Područje saradnje će uključivati bilo koje akademske i druge naučne odnose, stručne programe koji su akreditovani i registrovani u bilo kojoj od ustanova u cilju razvoja zajedničkih aktivnosti u nastavnim i akademskim oblastima koje su od obostranog interesa, na bazi kvaliteta i reciprociteta.

Ugovorne strane će podnositi prijedloge vezane za zajedničke projekte prema odredbama ovog ugovora putem rukovodećeg izvršnog osoblja ili putem nadležnog akademskog osoblja.

Univerzitet je odgovoran za akreditaciju fakulteta u zemlji i inostranstvu. Klub može pomagati u tom procesu, ali odgovornost je isključivo na Univerzitetu.

Član 5.

Ugovorne strane obostrano izjavljuju da će Klub omogućiti obavljanje stručne prakse:

- 1.) za studente Medicinskog fakulteta Univerziteta, i
- 2.) za studente Fakulteta zdravstvenih nauka Univerziteta.

Član 6.

Stručna praksa studenata u Klubu obavljaće se po utvrđenom nastavnom planu i programu na I, II i III ciklusa studija Medicinskog fakulteta Univerziteta i Fakulteta zdravstvenih nauka.

Član 7.

Univerzitet će prije početka nastave, u skladu sa nastavnim planom i programom za svaku akademsku godinu specificirati potrebe prema broju studenata za obavljanje stručne prakse i dostaviti Klubu spiskove studenata.

Klub će studentima Univerziteta obezbijediti kvalitetno i bezbjedno izvođenje stručne prakse, u skladu sa raspoloživim materijalnim, prostornim i kadrovskim resursima, uz primjenu i sprovođenje mjera zaštite na radu i zaštite od požara prema važećim propisima.

Član 8.

Univerzitet je obavezan osigurati da svi studenti prije obavljanja stručne prakse izvrše obaveznu sanitarnu obradu i dostaviti o tome dokaz Klubu (sanitarna knjižica), te da imaju čiste uniforme i čistu obuću za vrijeme obavljanja stručne prakse u Ustanovi.

Klub će studente Univerziteta blagovremeno, na primjeren način, upoznati sa propisanim kućnim redom.

Član 9.

Mentora/voditelja stručne prakse određuje Klub.

Član 10.

Univerzitet se obavezuje da obezbijedi da se studenti za vrijeme obavljanja stručne prakse ponašaju u skladu sa visokim etičkim i moralnim standardima, kao i da se prema opremi Kluba ponašaju sa pažnjom dobrog domaćina.

Univerzitet je odgovoran za svaku štetu koju njegovi studenti pričine u toku obavljanja stručne prakse u prostorijama Kluba.

Univerzitet je obavezan osigurati studente za slučaj povrede u toku obavljanja stručne prakse u prostorijama Kluba.

Član 11.

Ugovorne strane su se sporazumjele da će Univerzitet Klubu, na ime korištenja opreme, sredstava za rad, potrošnog materijala kao i ostalih materijala neophodnih za kvalitetno obavljanje stručne prakse, plaćati naknadu u iznosu od 200,00 KM + PDV po

studentu za stručnu praksu u trajanju od 30 dana, odnosno 100,00 KM + PDV po studentu za stručnu praksu u trajanju od 15 dana.

Naknadu iz stava 1. ovog člana Univerzitet će plaćati prije početka obavljanja prakse, a na osnovu fakture koju će Klub ispostaviti prema spisku studenata dostavljenom od strane Univerziteta u skladu sa članom 7. stav 1. ovog Ugovora.

Član 12.

Ovaj Ugovor se zaključuje na neodređeno vrijeme, s tim da Klub zadržava pravo da prije početka svake akademske godine zahtjeva korekciju visine nakande iz člana 11. stav 1. ovog Ugovora ukoliko dođe do objektivnog povećanja troškova Kluba u vezi sa obavljanjem stručne prakse, te da otkáže ugovor ukoliko Univerzitet ne uvaži takav zahtjev.

U periodu važenja Ugovora svaka ugovorna strana ima pravo isti otkazati, ukoliko druga ugovorna strana ne ispunjava svoje ugovorne obaveze ili ukoliko nastupe druge okolnosti zbog kojih bi bilo opravdano otkazati Ugovor, uz obavezu da o namjeri otkazivanja pismenim putem obavijesti drugu ugovornu stranu najkasnije 30 dana prije dana s kojim namjerava otkazati Ugovor.

Ugovorna strana koja je pretrpjela štetu zbog neispunjenja obaveze druge ugovorne strane ima pravo na naknadu štete.

Član 13.

Ovaj Ugovor je zaključen u četiri (4) istovjetna primjerka, od kojih svaka ugovorna strana zadržava po dva (2) primjerka.


Član 14.

Ugovorne strane će eventualne sporove rješavati sporazumno, a ukoliko to ne bude moguće, za rješavanje takvih sporova biće nadležan Općinski sud u Tuzli.

Član 15.

Ovaj Ugovor stupa na pravnu snagu danom obostranog potpisivanja.

Za Univerzitet
REKTOR
Prof. dr. Kemal Brkić



Za FK Sloboda Tuzla
DIREKTOR
Jusufović Eldar



Broj: 01-169-1/24
Tuzla, 28.02.2024. godine

Broj: 97/24
Tuzla, 28.02.2024. godine